

exiguam cum umbra fluviatili similitudinem habeat, dicitur. Rondeletius *Salmonem lacus Lemani*, quod corporis specie, pinnarum numero, situque et partibus internis, *Salmonem* referat, vocat. Helvetii a Colore circa ventrem rubicundo, *Rotele* nomen indidere. Duo ejus esse genera magnitudine maxime differentia in Lucernensi lacu Gesnerus tradit. Majorem circa Bielam Rott, alicubi Roote appellari: a Sabaudis *Routte*; circa Lemantum vero Umble minorem diminutivo nomine *Rotele* privatim dici. (Est et alius in Suevia et circa Augustam *Rotele* dictus, sed fluviatilis; non lacustris piscis, Truttis quoque affinis, Germanis caeteris fere Huch nuncupatus, quo de suo loco diximus) Sabaudiae circa Bielam *Ronson* vel *Bondelle*, illo nomine colorem indicari, hoc forte bonitatem. Denique piscem qui in lacu Bavariae Ammersee vocatur, Germanice ein *Wigling*, non alium, quam Umblam minorem videri: conferri enim Salmoni parvo; et a dorso usque ad media latera coloris lutei esse dici, adeoque tenerum, ut statim *extra aquam* exspiret, nec in alio ullo ejus regionis lacu inveniri. *Umbra major* corporis forma partibusque omnibus Salmonibus et Truttis similis est. Os habet magnum, *dentes* vero non solum in maxillis, sed etiam sex magnos in lingua. Caput livescit, branchiarum opercula argentei sunt coloris in extremo aurei. Magis albicat quam minor. Nullis fuggillatur lituris, unicam esse parvam tergoris pinnam Bellonius scribit: Rondeletius tamen non longe a caudae exortu aliam, sed admodum exiguam, depingere videtur, et ipse Bellonius eandem in icone exprimit, et mox puto apophysim carnosam vocat. Idem Bellonius juxta ventrem, pinnam (in impressis codicibus branchia legitur sine sensu) utrinque unam esse ait, sed quam nec ipse, nec Rondeletius quoque pingit: duas sub ventre huic oppositas, omnes sine aculeis: postremas piscem in duas aequales partes interfecare, sed partem, quae ad caput est, paulo longiorem esse. *Cutim* adeo glabram esse, ut squammis carere videatur. Tergus prae multo livore opacum

apparere: ventrem prae albedine uti argentum micare: apophysim carnosam habere supra *caudam*. Umbrae, Truttarum, etc. more. Quaternis praeditam esse *dentium* ordinibus in palato serpentium more, *linguam* ostendere aduncis in gyrum dentibus, crenatis, exertis et hamatis senis, vel eo pluribus communitam, praeter hoc maxillam etiam inferiorem parvulis aliis exertis et parum falcatis in ambitum vallari, branchias habere utrimque quatuor: latera ejus virgula recta secari utrimque per medium corpus, parum repandum versus ventrem. Tres aut quatuor dodrantes plerumque longa est. In Lucernensi lacu brachii fere longitudine excrecere Gesnerus testatur, et Rondeletius duos aliquando cubitos longas a Lemano lacu Lugdunum advehi. *Minor Umbra* (ut idem Gesnerus refert) dodrantalis plerumque aut brevior, pedem raro excedit, aut si amplius, increfcit. Vidi enim inquit, aliquando palmos quinque longam, Octobri mense in Lacu nostro captam corpore latiusculo, nunquam tamen Umblae majoris magnitudinem attingit. *Ventre* turgidulo aliquando spectatur, propter *vesicam* nimium inflatam. Est autem vesica ei oblonga, ut Albulis, non distincta per medium. *Dorsum* totum cum dimidia laterum parte subroseum: Inferiora latera albicant. *Venter* albissimus est: caudae color idem, qui dorsi pinnulam mollem et parvam, ut Truttae, dorso extremo gerit. *Maxillis* est dentatis. Spinās etiam ceu dentes in *lingua* habet. Pinnae omnes partim subalbent, partim crocei coloris sunt. Branchiae quaternae. *Lappillos* in cerebro habet. *Mares* ventre, pinnis et cauda magis rubent, foeminae candicant: eadem capite superius et dorso magis virent. Non tantum in Lemani lacu, sed et in aliis capitur. *Vescitur* pisciculis, quiskiliis et aliis. Si vel parum *saucietur*, velut moribunda supernatat. Capta quam primum aquas reliquerit, exspirare traditur. *Carne* est suavi, sicca, et cum senuerit dura, et quae multorum judicio Asellis, imo saxatilibus succedere queat. Pinguis potissimum apud Allobroges capitur, tantique fit, (inquit Bellonius,) quanti ditiorum bursa aestimare potest.